



SAKSFRAMLEGG

Sakshandsamar: Meline Heimdal Haugland	Arkivkode: FA-D11
Arkivsaksnr: 18/572	Løpenr: 18/9090
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Naturutvalet	04.12.2018	020/2018

Rullering av handlingsprogram og prioritering av spelemiddelsøknader Kommunedelplan for idrett, fysisk aktivitet og friluftsliv

04.12.2018 Naturutvalet:

Handsaming i møtet:

Framlegget vart samrøystes vedteke.

NAT- 020/2018 Vedtak:

Samnanger kommune vedtek handlingsprogrammet for 2019 og prioriterer søknader om spelemidler til ordinære anlegg i denne rekkefølga:

1. Kunstgrasbane
2. Friidrettsanlegg
3. Bjørkheim friluftsområde

Rådmannen sitt framlegg til vedtak:

Samnanger kommune vedtek handlingsprogrammet for 2019 og prioriterer søknader om spelemidler til ordinære anlegg i denne rekkefølga:

1. Kunstgrasbane
2. Friidrettsanlegg
3. Bjørkheim friluftsområde

Dokument som er vedlagt:

Handlingsprogram 2019

Dokument som ikkje er vedlagt:

Kommunedelplan for idrett, fysisk aktivitet og friluftsliv

Bestemmelser om tilskudd til anlegg for idrett og fysisk aktivitet – 2018 (for tildelinger i 2019)

Lov om planlegging og byggesaksbehandling (plan- og bygningsloven)

Kva saka gjeld:

For å kunna søka om spelemidlar til ordinære anlegg er det ein føresetnad at tiltaket det vert søkt om tilskot til, inngår i ein vedteken kommunal plan. For å fanga opp nye eller endra behov krev plan- og bygningsloven ein årleg rullering av handlingsdelen. Dette gjelder handlingsprogrammet i Kommunedelplan for idrett, fysisk aktivitet og friluftsliv.

Søknadane som er kome inn skal prioriterast gjennom politisk vedtak og i samsvar med Samnanger kommune sin Kommunedelplan for idrett, fysisk aktivitet og friluftsliv.

Rulleringa av handlingsprogrammet og prioritering av søknader no i 2018 vert oversendt til Hordaland fylkeskommune og handsama i 2019.

I spelemiddelordninga er anlegga delt opp i to grupper: ordinære anlegg og nærmiljøanlegg. Ordinære anlegg vert meint som anlegg for organisert idrett og fysisk aktivitet samt eigenorganisert fysisk aktivitet. Det er tre søknader om spelemidlar til ordinære anlegg.

Nærmiljøanlegg vert meint som utandørsanlegg for eigenorganisert , fysisk aktivitet, plassert i tiknytning til bu- og/eller aktivitetsområder. Nærmiljøanlegget skal vera fritt, ållment tilgjengeleg for eineorganisert aktivitet, først og fremst for barn og ungdom, men óg lokalbefolkninga for øvrig. Det er ingen søknader om spelemidlar til nærmiljøanlegg.

Vurderingar og konsekvensar:

I år er det tre søknader til ordinære anlegg å prioritera mellom. Det er kunstgrasbane og friidrettsanlegg i Hagabotnane, samt Bjørkheim friluftsområde.

På grunn av stort etterslep i Hordaland vil tiltaka ikkje få prioritet før søknaden har vore fremja i tre år. To av tiltaka har vore søkt på tidligare. Det vart søkt om tilskot kunstgrasbana i 2016, 2017 og 2018, og det vart søkt om tilskot til friidrettsanlegget i 2017 og 2018. Det er førebels kun kunstgrasbana som er tildelt midlar. Kunstgrasbana er tildelt kr 1 200 000 av søknadssum på kr 2 500 000. Friidrettsbana er tildelt kr 0 av søknassum på kr 1 056 000. Begge søknadane er i orden og kan gjentakast til neste år. Bergen og Omland friluftsråd, i samarbeid med Samnanger kommune, søker for første gong om tilskot til Bjørkheim friluftsområde i runden for 2019. Søknaden er i orden. Finansieringa på kr 2 500 000 inkl. moms blei vedteken i Formannskapet 22.11.18 sak 058/2018 for Budsjett 2019 og Økonomiplan 2019-2022. Saka skal vidare til Kommunestyret for endeleg vedtak i møte 13.12.18.

Prioriteringa av spelemiddelsøknader skal i utgangspunktet vurderast ut frå kva for eit anlegg det er mest behov for. Samstundes er det eit stort etterslep i Hordaland, og det er som regel få søknader å prioritera mellom i Samnanger. Det gjer at det vert naturleg å ha ei «kø-ordning», kor dei som søker på andre året etc. vert prioritert før nye søknader.

Me har valt å leggja til grunn for ei kø-ordning. Då vert kunstgrasbana prioritert som nummer 1 og friidrettsanlegget som nummer 2. Bjørkheim friluftsområde vil vera ein ny søknad og vert prioritert som nummer 3.

Alle idrettsanlegg som får godkjent søknaden sin av Hordaland fylkeskommune vil til slutt få spelemidlar, men det kan ta fleire år.